

BIL 3 / 2021

PESONA

POLITEKNIK MERSING



polimersing



@PoliteknikMers1



<https://pmj.mypolycc.edu.my/>



www.facebook.com/politeknikmersing

Copyright © 2021

Hakcipta terpelihara. Tiada bahagian daripada terbitan ini boleh diterbitkan semula, disimpan untuk pengeluaran atau ditukarkan ke dalam sebarang bentuk atau dengan sebarang alat juga pun, samada secara elektronik, gambar serta rakaman dan sebagainya tanpa kebenaran bertulis daripada pihak Politeknik Mersing terlebih dahulu.

Politeknik Mersing,
Jalan Nitar,
86800 Mersing,
Johor Darul Ta'zim.
Telephone: (+6)077980001
Fax: (+6) 077980002
Website: <https://pmj.mypolycc.edu.my/>

Dicetak di Malaysia.

Terbitan Pertama 2021.

e-ISSN: 2756-777X

Sidang Editor

Pengerusi	Pn. Hilmun binti Mohamed
Tim. Pengerusi I	Hj. Mohamad Yusof bin Sulaiman
Tim. Pengerusi II	Hj. Lajakarek bin Mohd Amin

Ketua Editor	Dr. Syariffah binti Othman
--------------	-----------------------------------

Editor	Nurul Najwa binti Md Yusof
--------	-----------------------------------

Unit Rekabentuk Grafik	Sahrol bin Ramli
------------------------	-------------------------

Unit Penerbitan	Hanini binti Yusoff
-----------------	----------------------------

Kandungan

5. Pusat Pemindahan Sementara (PPS) Di Politeknik Mersing Dibuka
6. Lawatan YB Tuan Raven Kumar a/l Krishnasamy Ke Pusat Pemindahan Sementara, Politeknik Mersing
7. Lawatan Kerja YB Datuk Seri M. Saravanan (Menteri Sumber Manusia) Ke PPS Politeknik Mersing Johor
8. Pembukaan Semula Trek Pengaturcaraan Di JTMK
9. Bacaan Yassin Perdana Politeknik Mersing
10. "Who Am I - Shine Your Icy Crown"
11. Bengkel Penulisan Pantas
12. Pengenalan Awal - Politeknik Mersing Ke Arah Kampus Hijau
13. Politeknik Mersing Menerima Penghargaan Kerana Menyertai Anugerah Kejiranan Hijau
14. Pendaftaran Pelajar Baharu Sesi Disember 2020
15. Tahniah
16. Pemakaian Pangkat Dan Penyampaian Watakah Angkatan Pertahanan Awam Malaysia
17. Pelajar Politeknik Mersing Telah Menerima Surat Penempatan Perantisan Program Kebolehpasaran
Graduan Industri 4.0 KPT-MTDC 2020/2021
18. Saksikan Politeknik Mersing Dalam 2021 International Webinar & Showcase On Malaysian Sustainability
Project Management
19. Kunjung Hormat UNIKL Kampus Cawangan Malaysia Institute Of Industrial Technology (MITEC)
20. Program Sukarelawan Polycc @ Community
21. Program Ikatan Ukhuwah Bersama Komuniti Orang Asli, Kg. Peta Mersing
22. One Touch Research 2021
23. Sumbangan Ramadan Kepada Para Pelajar
24. Program "Jom Baca Bersama 10 Minit" Politeknik Mersing
25. Program Iftar Ramadan Perdana Politeknik Mersing Tahun 1442 Hijrah
26. Program Ramadan Kareem In The New Normal
27. Majlis Iftar Ramadhan Anjuran Alomers
28. Majlis Mengangkat Ikrar Dan Penyerahan Watakah Pelantikan MPP PMJ
29. Program Penghijauan Malaysia ~ Kempen Penanaman 100 Juta Pokok Bagi Peringkat Negeri Johor
30. Bakul Ramadan Puspanita Cawangan Kecil Politeknik Mersing
31. Politeknik Mersing Raih Tempat Ketiga Pertandingan Video Pendek Keselamatan Dan Kesihatan
Pekerjaan 2020
32. Kunjung Hormat Pegawai Pendidikan Daerah Mersing

PUSAT PEMINDAHAN SEMENTARA (PPS) DI POLITEKNIK MERSING DIBUKA

Pusat Pemindahan Sementara PMJ menerima kunjungan dari Haji Mohd Radzi Bin Haji Mohd Amin, Pegawai Daerah Mersing. Turut serta adalah Tuan Norazmi bin Amir Hamzah, Yang Dipertua Majlis Daerah Mersing bersama-sama dengan En. Muhammad Najib Bin Hashim, Penghulu Mukim Mersing. Bersama-sama wakil badan ialah JPAM, APM, JKM dan sukarelawan daripada warga PMJ.

Pada sesi kunjungan ini, Tuan Haji Mohd Radzi Bin Haji Mohd Amin, Pegawai Daerah telah menyerahkan bantuan topeng muka kepada wakil pengarah PMJ, Puan Azreen Binti Khamis untuk diberikan kepada semua mangsa banjir.

Warga PMJ amat prihatin terhadap komuniti Mersing, justeru itu wakil PMJ bersama JKM berbesar hati turut serta menjadi sukarelawan dan membantu mangsa banjir. Antaranya, Puan Zaiton dari Unit Psikologi menjadi sukarelawan. Selain itu, beberapa pegawai telah ditugaskan untuk membuat pemantauan kepada mangsa banjir sepanjang keberadaan di PMJ.



LAWATAN YB TUAN RAVEN KUMAR A/L KRISHNASAMY KE PUSAT PEMINDAHAN SEMENTARA, POLITEKNIK MERSING

6 Januari 2021. YB Tuan Raven Kumar a/l Krishnasamy, ADUN Tenggara telah melawat mangsa banjir di pusat pemindahan sementara yang bertempat di Dewan Permata Marjan, Politeknik Mersing. Turut hadir ialah Puan Hilmun Binti Mohamed, Pengarah Politeknik Mersing. Dalam sesi lawatan ini, YB Tuan Raven Kumar turut menyampaikan barangan keperluan untuk kegunaan petugas dan mangsa banjir.



LAWATAN KERJA YB DATUK SERI M. SARAVANAN (MENTERI SUMBER MANUSIA) KE PPS POLITEKNIK MERSING JOHOR

10 Januari 2021 - YB Datuk Seri M. Saravanan, Menteri Sumber Manusia telah berkunjung ke Pusat Pemindahan Sementara, Politeknik Mersing sempena lawatan kerja rasmi beliau ke Daerah Mersing. Rombongan YB Datuk Seri turut diiringi oleh YB Tuan Raven Kumar, Adun Tenggara dan YB Hajah Alwiyah Binti Talib, Adun Endau.

Ketibaan beliau disambut Puan Hilmun Binti Mohamed, Pengarah Politeknik Mersing, Tuan Haji Lajakarek, Timbalan Pengarah Sokongan, Ketua-Ketua Jabatan serta petugas-petugas di PPS ini.

YB Datuk Seri juga telah menyampaikan sumbangan kepada mangsa banjir yang terkesan dengan bencana yang sedang melanda.



PEMBUKAAN SEMULA TREK PENGATURCARAAN DI JTMK

Tahniah kepada Pn. Zuraidah Binti Mohd Ramly di atas pelantikan sebagai Ketua Program DDT Trek Pembangunan Aplikasi Perisian (SAD) di Jabatan Teknologi Maklumat & Komunikasi, Politeknik Mersing.

Sebelum ini Trek SAD di kenali sebagai Diploma Teknologi Maklumat (Pengaturcaraan) dengan pengambilan pelajar sulung pada sesi Jun 2015 dan dihentikan sementara pada sesi Jun 2016 bagi memberi fokus kepada bidang Rangkaian (DNS) dan Keselamatan Maklumat (DIS).

Kini dengan kekuatan seramai 51 orang pensyarah, JTMK akan mula menawarkan semula bidang pengaturcaraan melalui trek SAD kepada pelajar semester 3 program Diploma Teknologi Maklumat (Teknologi Digital) bermula sesi pengajian yang akan datang. Secara tidak langsung, pelajar program DDT di Politeknik Mersing kini mempunyai tiga pilihan trek pengajian iaitu Rangkaian (Nw), Keselamatan Maklumat (IS) dan Pembangunan Aplikasi Perisian (SAD). Semoga dengan pembukaan semula trek ini dapat memberi lebih banyak pilihan kepada para pelajar JTMK mengembangkan bakat mereka dalam bidang teknologi digital.

Sekali lagi kami mengucapkan syabas dan tahniah kepada Ketua Program DDT Trek SAD serta barisan pensyarah yang dipilih bagi menganggotai Trek SAD.

Sumber : Unit Perhubungan JTMK



BACAAN YASSIN PERDANA POLITEKNIK MERSING

Assalamualaikum Dan Selamat Sejahtera.

Satu majlis bacaan Yassin akan diadakan secara online sempena Penilaian Alternatif Pelajar-Pelajar Politeknik Mersing pada ketetapan berikut:

Tarikh : 21 JANUARI 2021 (KHAMIS)

Masa : 7.40 MALAM

Platform : FB LIVE PMJ


link pautan : <http://www.facebook.com/politeknikmersing>

Dijemput semua warga PMJ dapat turut serta mengimarahkan majlis ini. Moga dipermudahkan semua urusan kita dunia dan akhirat.

Bacaan Yassin ini akan dipimpin oleh:

Tuan Hj. Lajakarek Bin Mohd Amin

(Timbalan Pengarah Sokongan Akademik PMJ)



"WHO AM I - SHINE YOUR ICY CROWN"

Jabatan Teknologi Maklumat & Komunikasi akan menganjurkan kursus PSH bertajuk "WHO AM I - Shine Your Icy Crown". Kursus ini bertujuan untuk memberi peluang kepada peserta mengenali personaliti diri dan rakan sekerja melalui Ujian DOPE dan Inventori Personaliti Warna. Butiran kursus adalah seperti ketetapan berikut :

Tarikh : 25 Februari 2021


Masa : 8 pagi - 3.30 petang

Tempat : Atas Talian

Yuran : RM 5

Instruktur : Zaiton Binti Sipon

Penyertaan terbuka kepada warga Politeknik Mersing. Peserta akan diberi 1 hari berkursus. Kepada yang berminat, boleh mendaftar di pautan berikut : <https://bit.ly/37e94ef>



BENGKEL PENULISAN PANTAS


Pada 7 Februari 2021 yang lalu, Unit Penyelidikan, Inovasi & Komersilan, JTMK PMJ dengan kerjasama Unit Latihan & Pendidikan Lanjutan, PMJ telah mengadakan Bengkel Penulisan Pantas dengan jayanya. Seramai 49 orang peserta yang terdiri daripada pensyarah daripada pelbagai jabatan telah menghadiri bengkel berkenaan yang telah dilaksanakan di atas talian. Kerjasama dan komitmen yang tinggi telah diberikan oleh para peserta di mana bengkel ini telah berlangsung daripada jam 8.00 pagi sehingga 5.00 petang.

Dr Muhammad Helmi bin Abu Bakar daripada Kolej Komuniti Segamat telah dijemput sebagai penceramah untuk bengkel ini. Peserta didedahkan dengan pelbagai informasi dan teknik penulisan artikel ilmiah. Antara kandungan bengkel ini termasuklah kepentingan 5W1H dalam penyelidikan, jenis-jenis penerbitan, kandungan artikel ilmiah serta laman-laman web yang boleh digunakan untuk proses pencarian maklumat.

Keseluruhan peserta didapati memberi maklumbalas positif dan berpuashati dengan pelaksanaan dan pengisian kursus. Mereka juga berpuashati dengan penceramah dan kaedah penyampaian beliau. Beberapa maklum balas penambahbaikan juga diterima bagi memantapkan lagi penganjuran program ini pada masa akan datang antaranya dengan memanjangkan lagi tempoh bengkel.

Penulisan yang terpilih daripada bengkel ini akan diterbitkan di dalam Jurnal of Digital and Technology 2021 di bawah Cyber Range Academy (Centre of Technology) Politeknik Mersing.

Sumber: Unit Perhubungan JTMK



Pengenalan Awal - Politeknik Mersing Ke Arah Kampus Hijau

Sebagai institusi yang meyakini penuh Matlamat Pembangunan Mampan (Sustainability Development Goals) yang dikemukakan oleh Pertubuhan Bangsa-Bangsa Bersatu, PMJ telah mengambil langkah tekad untuk menaik taraf kampus PMJ kepada kampus hijau. Untuk mencapai matlamat ini, pasukan SmartGreen PolyCC PMJ menyeru semua warga PMJ baik kakitangan dan juga pelajar untuk sama-sama berganding bahu dan menggembelng tenaga bagi merealisasikan PMJ Ke Arah Kampus Hijau.



POLITEKNIK MERSING MENERIMA PENGHARGAAN KERANA MENYERTAI ANUGERAH KEJIRANAN HIJAU

Sukacita dimaklumkan bahawa Politeknik Mersing telah mendapat penghargaan kerana telah menyertai Anugerah Kejiranan Hijau 2020 sempena Hari Perancangan Bandar Sedunia anjuran Kementerian Perumahan & Kerajaan Tempatan. Tujuan anugerah ini diwujudkan adalah sebagai menghargai mana-mana kerajaan tempatan, komuniti mahupun individu yang komited dalam melaksanakan inisiatif pembangunan kejuranan hijau. Penghargaan ini merupakan pencetus semangat dan juga sebagai rangsangan untuk mencapai kejayaan yang lebih besar pada masa akan datang.




PENDAFTARAN PELAJAR BAHARU SESI DISEMBER 2020

2 Mac 2021 - Politeknik Mersing telah menerima kehadiran 209 pelajar baharu bagi sesi Disember 2020. Pelajar-pelajar ini merupakan pelajar Jabatan Kejuruteraan Elektrik, Jabatan Teknologi Maklumat & Komunikasi dan Jabatan Perdagangan. Pendaftaran bermula seawal jam 8.00 pagi secara pandu lalu. PMJ telah mengambil langkah serius dalam memastikan semua aspek keselamatan dipatuhi. Setiap individu di dalam kenderaan perlu membuat imbasan suhu dan bilangan ahli keluarga yang dibenarkan masuk ke kawasan kampus juga dihadkan.

Semua pelajar yang mendaftar perlu menjalani tempoh pengasingan selama 10 hari bagi memastikan mereka bebas dari Covid-19. Sepanjang tempoh itu, pelajar akan menjalani sesi orientasi secara atas talian. Jabatan Hal Ehwal Pelajar memastikan setiap masa pelajar diisi dengan aktiviti-aktiviti yang bermanfaat.

Sesungguhnya Politeknik Mersing merasa berbesar hati menerima kehadiran semua pelajar baharu. Semoga pelajar tidak mensia-siakan peluang yang diberikan, apatah lagi dalam situasi pandemik ini, setiap pelajar perlu mengoptimumkan setiap keadaan. Jadikan pengalaman menuntut ilmu di PMJ sebagai salah satu kenangan termanis dan menggembirakan. Semua pensyarah serta kakitangan PMJ mendoakan agar para pelajar tamat belajar dengan keputusan yang membanggakan serta dapat berbakti pada keluarga, masyarakat dan negara.

Syabas dan tahniah juga diucapkan kepada semua jawatankuasa yang terdiri daripada kakitangan dan pelajar senior yang telah bertungkus lumus memastikan pendaftaran berjalan lancar.



TAHNIAH

Sekalung TAHNIAH kepada pelajar Politeknik Mersing Johor, Jabatan Teknologi Maklumat & Komunikasi, Muhammad Khairulamirin Bin Abdul Jalil 25DDT18F2902 yang sedang membawa nama PMJ terbang tinggi di peringkat Kebangsaan. Sebaris dengan pemain-pemain kebangsaan ,saudara Khairulamirin telah terpilih bagi menyertai Sabah Di dalam saingan Liga Hoki Malaysia dengan kerjasama Tenaga Nasional Berhad (TNBMHL2021)





PEMAKAIAN PANGKAT DAN PENYAMPAIAN WATIKAH ANGKATAN PERTAHANAN AWAM MALAYSIA

Sukacita dimaklumkan Puan Hajah Hilmun Binti Mohamed, Pengarah Politeknik dan Tuan Haji Hamzah Bin Zakaria, pensyarah Jabatan Kejuruteraan Elektrik telah menerima pangkat Pertahanan Awam (Bersekutu) dalam Majlis Perasmian Perasmian Pusat Latihan Pertahanan Awam Wilayah Selatan Angkatan Pertahanan Awam Malaysia pada 13 Mac 2021 bertempat di Pusat Latihan Pertahanan Awam Wilayah Selatan (PULAPAS). Majlis pemakaian pangkat dan pentauliahannya ini telah disempurnakan oleh YB Datuk Seri Mohd Redzuan bin Md. Yusof, Menteri Di Jabatan Perdana Menteri (Tugas-Tugas Khas). Dalam majlis ini, Puan Hajah Hilmun serta Tuan Haji Hamzah masing-masing telah menerima pangkat seperti berikut:

Lt. Kol. Bersekutu (PA) Hilmun binti Mohamed dan

Mej. Bersekutu (PA) Hamzah bin Zakaria

Tahniah diucapkan!



PELAJAR POLITEKNIK MERSING TELAH MENERIMA SURAT PENEMPATAN PERANTISAN PROGRAM KEBOLEHPASARAN GRADUAN INDUSTRI 4.0 KPT-MTDC 2020/2021

Tahniah diucapkan kepada Saudara **MUHAMMAD FAIZAL FAHMY BIN ASSUNU**, pelajar jurusan Diploma Kejuruteraan Elektrik & Elektronik, Jabatan Kejuruteraan Elektrik yang telah berjaya menerima surat penempatan perantisan dalam Majlis Penyerahan Surat Penempatan Perantisan Program Kebolehpasaran Graduan Industri 4.0 (GE i4.0) anjuran Kementerian Pengajian Tinggi (KPT) dengan kerjasama Malaysian Technology Development Corporation (MTDC) dalam majlis yang telah disempurnakan oleh YB Datuk Seri Dr. Noraini Ahmad, Menteri Pengajian Tinggi di Hotel Tenera, Bangi pada 12 Mac yang lalu.

Dalam majlis ini, seramai 200 orang graduan daripada 17 buah Institusi Pendidikan Tinggi Awam (IPTA) termasuk 8 buah Politeknik telah menerima surat penempatan perantisan bagi program ini. Objektif utama Program GE i4.0 bagi tahun 2020 – 2021 ini adalah untuk memberikan pendedahan kepada peserta tentang persekitaran pekerjaan di syarikat yang berteraskan Industri 4.0 melalui modul latihan secara hibrid merangkumi soft skills dan hard skills. Para graduan ini akan ditempatkan di syarikat-syarikat di bawah ekosistem MTDC secara perantisan untuk tempoh tiga (3) bulan. Mereka juga berpeluang diserap sebagai pekerja tetap sekiranya menunjukkan prestasi yang cemerlang dan memenuhi kriteria yang ditetapkan.

Melalui program ini, Saudara Muhammad Faizal Fahmy akan menjalani program perantisan di Techcapital Resouces Sdn. Bhd seterusnya menjalani kursus pendek dalam bidang sains data.

Syabas kepada Saudara Muhammad Faizal Fahmy. Semoga saudara terus cemerlang pada masa-masa akan datang.



SAKSIKAN POLITEKNIK MERSING DALAM 2021 INTERNATIONAL WEBINAR & SHOWCASE ON MALAYSIAN SUSTAINABILITY PROJECT MANAGEMENT

Politeknik Mersing telah terpilih untuk menyertai 2021 INTERNATIONAL WEBINAR & SHOWCASE ON MALAYSIAN SUSTAINABILITY PROJECT MANAGEMENT yang dianjurkan oleh Sustainable Business Network Association Malaysia (SustNET).

Dalam acara ini, PMJ perlu membentangkan produk hijau masing-masing. Produk yang terpilih adalah produk yang dihasilkan sepanjang tempoh pelaksanaan Fasa 1 Blueprint PolyGreen 2015-2020.

Dijemput SEMUA warga Politeknik Mersing untuk sama-sama memberikan sokongan penuh kepada pasukan PMJ pada 20 Mac 2021, Sabtu, Jam 3.00 petang.



KEMENTERIAN PENGAJIAN TINGGI
POLITEKNIK Mersing

2021 INTERNATIONAL WEBINAR
& SHOWCASE ON MALAYSIAN
SUSTAINABILITY PROJECT
MANAGEMENT

PMJ
Towards Carbon
Free Campus

Opening Speech by
Hilmun Binti Mohamed

SATURDAY,
MARCH 20
START: 3.00 PM - 3.30 PM

Politeknik Mersing Presenter



Ts. MURUGAN A/L KRISHNAN



RAVEENDRAN A/L
RAMASAMY



ADZRINA BINTI AMAN



Please scan the QR Code to
join the webinar:
Passcode: 7777
Webinar ID: 994 2855 5245
Passcode: 7777



Please scan the QR Code to
View PMJ Project

KUNJUNG HORMAT UNIKL KAMPUS CAWANGAN MALAYSIA INSTITUTE OF INDUSTRIAL TECHNOLOGY (MITEC)

Politeknik Mersing telah menerima kunjung hormat dari UNIKL Kampus Cawangan MITEC. Kunjung hormat ini diketuai oleh Ts. Dr. Ishamuddin Bin Mustapha, Dekan UNIKL MITEC bersama-sama dengan Dr. Khairul Firdaus Adrutdin, Timbalan Dekan Pembangunan Pelajar dan Gaya Hidup Kampus dan En Mohd Shamri Abu Nasir, Pegawai Pemasaran.

Delegasi dari UNIKL MITEC ini telah disambut mesra oleh Puan Hilmun Binti Mohamed, Pengarah PMJ bersama-sama pegawai pengurusan yang lain.


Tujuan kunjung hormat ini diadakan adalah untuk menerangkan dan membincangkan mengenai peluang melanjutkan pengajian bagi pelajar-pelajar PMJ di UNIKL MITEC. Hasil daripada perbincangan ini diharap dapat memberi manfaat jangka masa panjang kepada pelajar-pelajar politeknik.



PROGRAM SUKARELAWAN POLYCC @ COMMUNITY

27 – 28 Mac 2021: Politeknik Mersing (PMJ) telah terlibat dalam program Sukarelawan Polycc @ Community anjuran Bahagian Ambilan & Pembangunan Pelajar JPPKK dan melibatkan semua Politeknik dan Kolej Komuniti Zon Selatan. Program Polycc @ Community yang telah berlangsung di Kampung Batu Puteh, Parit Sulong Batu Pahat Johor, di mana PMJ telah dipertanggungjawabkan membaiki sebuah rumah asnaf di sini. Seramai 15 sukarelawan yang terdiri daripada pelajar PMJ dan pegawai turut serta adalah Tuan Haji Muhamad Yusof bin Sulaiman, Encik Mohd Fairullah, Encik Nazrul, Encik Najib dan Encik Salehan.

Antara kerja-kerja yang dilakukan seperti membancuh dan membuat simen lantai dapur, membuat dinding rumah, wiring memasang 2 lampu, 4 soket keluaran, memasang kipas angin dan mengganti DB Board yang baru. Program ini telah berlangsung selama dua minggu dan diakhiri kemuncak pada hari ini. Semoga dengan program ini mampu melonjakkan nama PMJ di dalam memberi sumbangan kepada komuniti terutama dalam bidang TVET dan memberi manfaat kepada para peserta. Turut hadir bersama Ketua kampung Batu Puteh, Imam Surau dan wakil khas YB Menteri Pengajian Tinggi. Sepanjang program berlangsung yang dilakukan telah melalui norma-norma dan sop yang telah ditetapkan



PROGRAM IKATAN UKHUWAH BERSAMA KOMUNITI ORANG ASLI, KG. PETA MERSING

MERSING 10 - 11 April 2021 - Politeknik Mersing telah berjaya menganjurkan satu program khidmat masyarakat bertempat di Perkampungan Orang Asli, Kg. Peta Mersing. Program yang tertunda hampir setahun disebabkan kekangan pandemik COVID19 merupakan kesinambungan daripada "Kids Educational Charity Programme" yang dianjurkan oleh para pelajar semester 5 Diploma Sains Kesetiausahaan, Jabatan Perdagangan bagi memenuhi keperluan kursus Pengurusan Acara. Program berbentuk tuisyen amal ini diberikan kepada para pelajar sekitar Mersing dan dana terkumpul dari program ini disalurkan kepada penduduk Kg. Peta.


Sebelum melaksanakan tuisyen yang diadakan hampir 3 bulan itu, pelajar diberi kursus oleh pihak Kemas dan pihak sekolah terdekat bagi memastikan apa yang diajar selari dengan keperluan silibus semasa. Selain daripada dana yang dikumpul oleh para pelajar, beliau turut berterima kasih kepada semua organisasi dan orang perseorangan yang turut sama menyumbang dalam menjayakan program ini.

Sementara itu, hasil sumbangan yang dibawa ke Kampung Peta juga merupakan hasil kerja keras pelajar-pelajar Jabatan Teknologi Maklumat & Komunikasi (JTMK) yang turut mengadakan "Charity Bundle Sale" di sekitar Mersing. Pelajar-pelajar ini mengumpul pakaian terpakai dan menjualnya semula di sekitar Mersing dengan mengenakan bayaran minima RM1.

Pengarah PMJ, Puan Hajah Hilmun Binti Mohamed turut hadir merasmikan Perpustakaan Mini dan Taman Herba untuk kemudahan penduduk Kampung Peta bersama dengan Tuan Norianto bin Ahmad, Guru Besar Sekolah

Kebangsaan Peta. Seterusnya, program disempurnakan bersama Rempoyang Kantan, Ketua Kampung Orang Asli (Tok Batin) dengan memberi sumbangan berbentuk keperluan asas harian seperti beras, tepung, gula minyak masak dan lain-lain keperluan harian serta beberapa kotak personal Domino's Pizza dan susu Farm Fresh kepada penduduk Kampung Peta.

Jabatan Kejuruteraan Elektrik (JKE) juga turut bersama-sama menyumbang bakti dengan membuat pendawaian semula Dewan Balai Adat Kampung Peta. Ianya merupakan sebahagian daripada sistem pembelajaran TVET dalam memastikan setiap pengetahuan yang dipelajari di dalam kelas dapat diaplikasikan dalam suasana sebenar.



ONE TOUCH RESEARCH 2021





Webinar One Touch Research (OTR 2021) merangkumi perkongsian pengetahuan berhubung penyelidikan dan inovasi telah dianjurkan oleh Unit Penyelidikan, Inovasi dan Komersialan (UPIK), Politeknik Mersing pada 15 April 2021, Khamis. Penceramah yang dijemput, Dr. Norhafizah Ismail, Ketua Unit Penyelidikan, Inovasi dan Komersialan serta Puan Siti Farah Hussin, Penyelaras UPIK Jabatan Teknologi Maklumat dan Komunikasi (JTMK) telah berkongsi pengetahuan dan pengalaman menerusi webinar ini.

Bertemakan Promulgating to Cultivate Research Thrive, webinar ini bertujuan memberikan pendedahan kepada warga penyelidik berhubung asas penulisan abstrak, penggunaan sistem Penyelidikan dan Inovasi (SyRI) yang perlu dikemaskini bagi tahun semasa, aktiviti UPIK Politeknik Mersing dari tahun 2017 hingga 2021 dan KPI Penyelidikan dan Inovasi tahun 2021. Selain itu, tatacara, tips dan pengendalian permohonan One-Off Luar Negara serta Skim Geran Penyelidikan TVET (T-ARGS) juga telah dikongsikan.

Seramai 39 orang peserta yang hadir terdiri dari warga akademik Politeknik Mersing, Politeknik dan Kolej Komuniti Malaysia. Justeru, adalah diharapkan sedikit perkongsian ini dapat memberi peluang penyelidik dan pereka inovasi PolyCC dalam meneruskan motivasi menjalankan penyelidikan agar lebih cerdik.

Sumber:

Unit Penyelidikan, Inovasi dan Komersialan, Politeknik Mersing



SUMBANGAN RAMADAN KEPADA PARA PELAJAR

Sempena bulan Ramadan ini, Politeknik Mersing telah mengagihkan sumbangan makanan kepada para pelajar. Program agihan ini telah dianjurkan oleh Jabatan Hal Ehwal Pelajar. Sebanyak empat kumpulan pelajar yang akan menerima sumbangan ini. Seramai 40 pelajar dari Kumpulan A telah menerima sumbangan pada 16 April 2021 bertempat di Bilik Foodbank Siswa Centre, Bilik Majlis Perwakilan Pelajar manakala tiga lagi kumpulan akan menerima sumbangan ini dalam masa terdekat. Penyerahan sumbangan telah disampaikan Puan Norlela Binti Sarani, Ketua Jabatan Perdagangan, mewakili pihak pengurusan tertinggi PMJ.

Politeknik Mersing merasa sangat bersyukur dan mengucapkan setinggi-tinggi penghargaan kepada para penyumbang yang telah memberi sumbangan bagi merealisasikan program ini. Semoga ia dapat meringankan sedikit perbelanjaan pelajar menempuh Ramadan dalam era pandemik ini



Syabas dan tahniah diucapkan kepada semua ahli gerak kerja pegawai-pegawai kebajikan dari setiap jabatan di Politeknik Mersing.



PROGRAM "JOM BACA BERSAMA 10 MINIT" POLITEKNIK MERSING

Program "Jom Baca Bersama 10 Minit" merupakan antara inisiatif Perbadanan Perpustakaan Awam Kedah bersama Majlis Pengarah-Pengarah Perpustakaan Awam Se-Malaysia serta Perpustakaan Negara Malaysia (PNM) untuk melahirkan masyarakat Malaysia yang berilmu dan bermaklumat dan seterusnya menjadikan tabiat suka membaca sebagai satu amalan hidup. Program Jom Baca Bersama 10 Minit pada tahun 2021 ini merupakan program kali ke-8 diadakan di seluruh Malaysia.

Berdasarkan laporan World's Most Literate Nation 2020, Malaysia berada pada kedudukan ke-53 dalam senarai negara membaca dan seiring dengan itu, pada 22 April 2021 yang lalu, Perpustakaan Nilam Sari, Politeknik Mersing Johor telah mengadakan program Jom Baca bersama 10 minit Peringkat Politeknik Mersing. Beberapa aktiviti turut diadakan untuk pelajar, kakitangan, anak kakitangan dan anak-anak Taska Permata, Politeknik Mersing. Antara aktiviti yang sedang berjalan ialah Pertandingan melukis poster Jom Baca 10 minit dan pertandingan mencipta kad raya.



PROGRAM IFTAR RAMADAN PERDANA POLITEKNIK MERSING TAHUN 1442 HIJRAH

Ramadan adalah bulan yang Allah janjikan kepada seluruh umatnya untuk mendapat pahala yang berlipat ganda. Justeru itu, Program Iftar Ramadan Perdana telah dilaksanakan dengan tujuan untuk mendapatkan keredhaan Allah dan memohon agar ibadah yang dilakukan akan mendapat ganjaran pahala dari Allah S.W.T. serta dapat meningkatkan penghayatan terhadap bulan Ramadan.

Oleh itu, Kelab Kebajikan & Rekreasi Staf Politeknik Mersing dengan kerjasama Pusat Islam Politeknik Mersing, Puspanita Cawangan Kecil PMJ dan Bank Kerjasama Rakyat Malaysia Berhad (Cawangan Mersing), mengambil kesempatan ini untuk mengadakan Program Iftar Ramadhan Perdana Politeknik Mersing Bagi Tahun 1442 Hijrah bagi mengimarahkan/menghidupkan Ramadan Al-Mubarak.

Majlis ini diserikan lagi dengan kehadiran YB Puan Hajah Alwiyah Binti Talib, Ahli Dewan Undangan Negeri Endau, Puan Hajah Norshahidah Bariyah Binti Abdul, Pengerusi Puspanita Cawangan Kecil Politeknik Mersing serta para tetamu dari Bank Rakyat Cawangan Mersing iaitu Encik Zairuddin Bin Paiman, Encik Mohd Faiz Bin Azaman dan Encik Mohd Yakob Bin A. Rahman.

Dalam majlis ini, Encik Zairuddin Bin Paiman, selaku Pemangku Penolong Pengurus Cawangan telah menyampaikan sumbangan wang tunai kepada 90 orang pelajar PMJ.

Pihak Puspanita juga telah mengambil inisiatif di mana mereka telah berjaya mengumpul dana bagi sumbangan bakul Ramadan. Sumbangan ini telah diserahkan oleh Puan Hajah Norshahidah Bariyah kepada 55 orang staf PMJ, pasukan RELA dan petugas-petugas kontrak. Kesemua mereka ini turut mendapat sumbangan daripada YB Puan Hajah Alwiyah.

Dalam ucapan YB, beliau telah menggalakan amalan bersedekah dan berkongsi rezeki. Tambah beliau lagi, amalan membahagiakan orang lain ini adalah amalan yang mulia dan kita hendaklah sentiasa hiasi kehidupan dengan berbuat kebaikan serta memberi manfaat kepada insan lain.

Puan Hilmun juga telah menzahirkan harapan beliau agar persaudaraan, perpaduan dan kasih sayang di antara warga Politeknik Mersing dengan masyarakat luar akan terus diperkasakan dan disuburkan bagi membentuk ummah yang cemerlang dan bersatu padu. Beliau menyeru agar semua pelajar, hendaklah sentiasa berkeinginan untuk terus memperbaiki diri dari semasa ke semasa supaya menjadi anak watan yang sama-sama menyumbang kepada kemakmuran negara.

Dalam majlis ini juga, semua yang hadir telah berpeluang mendengar dan menghayati tazkirah yang telah disampaikan oleh Ustaz Khairul Fitri Bin Mohd, Ketua Kursus Jabatan Pengajian Am. Kesemua 620 pelajar yang berada di kampus telah dibekalkan makanan secara bungkus dan program dijalankan dengan SOP yang ketat

dan dipantau oleh Jawatankuasa Keselamatan dan Kesihatan Pekerjaan PMJ.

Semoga semua amal ibadah kita diterima ALLAH S.W.T dan mencapai keredhaan dan rahmatNya. InsyaAllah.







PROGRAM RAMADAN KAREEM IN THE NEW NORMAL

29 APRIL 2021 - Persatuan Pelajar Jabatan Perdagangan (PPJP) Politeknik Mersing (PMJ) telah berjaya menganjurkan Ramadan Kareem in the New Normal khusus untuk pelajar-pelajar Jabatan Perdagangan (JP) khasnya yang terdiri daripada 209 orang pelajar program DPM dan 195 orang pelajar daripada program DSK.

Program yang berlangsung selama lapan hari dilakukan secara dalam talian ini adalah bagi mengimarahkan bulan Ramadan 1442 Hijrah dalam norma baharu kesan penularan pandemik Covid-19. Objektif program ini adalah untuk melahirkan warga Politeknik yang memiliki sahsiah diri yang mulia, berbudi pekerti, berhemah dan cintakan ajaran Islam khususnya di bulan Ramadan al Mubarak. Selain itu, sebagai satu wadah menjelas dan berkongsi ilmu serta pengalaman dalam menghayati keberkatan, kepentingan, tuntutan dan cabaran beramal sepanjang Ramadan.

Oleh itu, PPJP telah mengambil langkah proaktif dengan memeriahkan pengisian bulan Ramadan melalui aktiviti yang telah dijalankan seperti Pertandingan Tilawah Remaja, Pertandingan Syarahan Daie' Muda, Pertandingan Kesenian Islam Kaligrafi Khat, Pertandingan pencarian Bilal Bin Rabah ke-2, Pertandingan Kad Raya Digital, Pertandingan Quiz Ramadan, Pertandingan Periuk Kualiti Ramadan, Pertandingan Ekspirasi Tiktok #SemarakRamadan dan Tadarus Al-Quran.




Kemuncak program dengan mengumumkan senarai pemenang dalam semua pertandingan berlangsung yang telah disampaikan oleh Ketua Jabatan Perdagangan, Puan Norlela Binti Sarani secara dalam talian dan diakhiri dengan pemberian juadah berbuka puasa kepada pelajar JP yang berada di Kamsis.



MAJLIS IFTAR RAMADHAN ANJURAN ALUMERS

Persatuan Alumni Politeknik Mersing telah berlangsung di Kual Belangkas Power Johor Bahru pada hari semalam (30.04.21). Dalam majlis tersebut pihak ALUMERS juga telah memberikan sumbangan kepada ALUMERS. Dalam majlis tersebut turut dihadiri Tuan Haji Mohamad Yusof Bin Sulaiman (Timbalan Pengarah Akademik PMJ), En Mohd Fairullah Bin Muhammadon (Penasihat Persatuan Alumni PMJ) dan Puan Salhasmidah Binti Suleiman (wakil HEP PMJ).


Tahniah dan syabas kepada pihak ALUMERS atas penganjuran ini. Didoakan agar semua graduan PMJ berjaya dalam segala bidang yang diceburi bertepatan dengan moto ALUMERS "GRADUAN CEMERLANG INSPIRASI NEGARA"



MAJLIS MENGANGKAT IKRAR DAN PENYERAHAN WATIKAH PELANTIKAN MPP PMJ

Majlis mengangkat ikrar dan penyerahan Watikah Pelantikan MPP PMJ telah berlangsung pada hari Ahad (2/5/2021) yang lepas. Seramai 36 orang Majlis Perwakilan Pelajar telah mengangkat ikrar dan menerima watikah pelantikan ini.

Tahniah dan syabas diucapkan! Semoga pelantikan ini dapat menjalankan tanggungjawab ini dengan penuh amanah dan dedikasi.



PROGRAM PENGHIJAUAN MALAYSIA ~ KEMPEN PENANAMAN 100 JUTA POKOK BAGI PERINGKAT NEGERI JOHOR

Politeknik Mersing berbesar hati kerana telah terpilih sebagai salah satu lokasi bagi Kempen Penanaman 100 Juta Pokok Peringkat Negeri Johor anjuran Kementerian Tenaga dan Sumber Asli (KeTSA) Malaysia.

Puan Hilmun binti Mohamed, Pengarah PMJ bersama-sama dengan beberapa orang kakitangan PMJ telah turut serta menanam lebih daripada 20 pokok nadir sebagai tanda sokongan yang tidak berbelah bagi terhadap usaha yang murni ini. Turut hadir ke program ini adalah YBhg. Dato' Haji Salim Bin Aman, Pengarah Perhutanan Negeri Johor bersama-sama dengan kakitangan dari Pejabat Hutan Daerah Johor Timur.

Politeknik Mersing menyeru agar semua warga PMJ serta masyarakat luar agar aktif melibatkan diri dalam kempen ini.



BAKUL RAMADAN PUSPANITA CAWANGAN KECIL POLITEKNIK MERSING

Puspanita Cawangan Kecil Politeknik Mersing telah berjaya mengumpulkan dana bagi menyampaikan sumbangan 30 Bakul Ramadan kepada komuniti Mersing yang terpilih. Sumbangan ini telah diserahkan oleh Puan Suhana binti Ismail, Naib Pengerusi Puspanita Cawangan Kecil PMJ kepada Cik Nor Azilahazah Ramlee, wakil Malaysian Relief Agency daerah Mersing. Sebelum ini, pihak Puspanita telah berjaya menyampaikan 70 bakul Ramadan kepada kakitangan kontrak PMJ yang memerlukan. Terima kasih kepada semua yg telah terlibat dalam merealisasikan program ini. Semoga urusan tuan/puan dipermudahkan Allah dan mendapat keberkatan.



BAKUL RAMADAN

1442H



SET MAKANAN ASAS
RM50
SERAKI

Anda hanya perlu menyumbang secara tunai, kami yang akan menyediakan Bakul Ramadan.

RM50 untuk 1 Bakul Ramadan/
cari partner RM25x2 orang
untuk 1 Bakul Ramadan

Bakul Ramadan ini akan disumbangkan kepada pekerja-pekerja kontrak pembersihanPMJ yang berkeperluan pada

22 April 2021 (Khamis)
bersempena
Malam Iftar Perdana PMJ

POLITEKNIK MERSING RAIH TEMPAT KETIGA PERTANDINGAN VIDEO PENDEK KESELAMATAN DAN KESIHATAN PEKERJAAN 2020

Politeknik Mersing telah berjaya meraih tempat ketiga kategori Intitusi Pengajian Tinggi dalam Pertandingan video pendek Keselamatan Dan Kesihatan Pekerjaan (KKP) 2020 anjuran Jabatan Keselamatan dan Kesihatan Pekerjaan (JKKP) dan Majlis Negara Bagi Keselamatan Dan Kesihatan Pekerjaan (MNKKP) sempena sambutan Minggu Keselamatan Dan Kesihatan Pekerjaan Peringkat Kebangsaan 2020.

Tahniah diucapkan kepada pasukan Jawatankuasa Keselamatan Dan Kesihatan Pekerjaan PMJ kerana telah bertungkus-lumus menghasilkan video ini sehingga beroleh kemenangan.



KUNJUNG HORMAT PEGAWAI PENDIDIKAN DAERAH MERSING

4 Mei 2021 - Puan Hilmun binti Mohamed, pengarah Politeknik Mersing telah menerima kunjungan hormat dari Tuan Haji Saiful Bin Atan, Pegawai Pendidikan Daerah Mersing bersama-sama dengan barisan pengurusan kanan Pejabat Pendidikan Daerah Mersing (PPD).

Dalam pertemuan selama kira-kira sejam, PMJ dan PPD telah berbincang bagaimana untuk bekerjasama dengan lebih erat bagi meningkatkan kemenjadian pelajar. Kedua-dua pihak telah bersetuju untuk meningkatkan pengambilan pelajar PMJ yang berasal dari Mersing dengan kerjasama Jabatan Hal Ehwal Pelajar, Unit Psikologi dan kaunselor sekolah.

PMJ juga turut bersetuju untuk menawarkan kursus pembelajaran sepanjang hayat berkaitan dengan teknologi pembelajaran maya dan juga yang berkaitan dengan teknologi internet kebendaan (IOT) serta robotik kepada guru-guru sekolah.

Semoga jalinan kerjasama dan hubungan baik ini akan terus disuburkan bagi merealisasikan gagasan 'Sekolah untuk komuniti, universiti untuk masyarakat'.



eISSN 2756-777X



9 772756 777000



POLITEKNIK MERSING
JALAN NITAR
86800 MERSING
JOHOR DARUL TAKZIM